

nis, qui inter Regni Feudatarios, ut dicunt, adnumera-  
bantur. Temporibus vero subsequentibus iidem, qui erant  
de Rahonis filiis, dicti sunt de Consentia; quapropter  
legimus Henricum de Consentia Franciae Mareschallum,  
Gentilem de Consentia, & Gotphredum pariter de Con-  
sentia, qui contra Carolum Andegavensem Manfredi  
partes sequebantur. Seculo vero decimoquarto eosdem,  
& de Consentia, & de filiis Rahonis, appellatos inveni-  
mus; unde legimus Gotphredum de Consentia, filium  
quondam Rahonis de filiis Rahonis, qui pluribus prope  
Consentam Pagis dominabatur. Seculo pariter decimo  
quinto fuerunt Hugo, & Julius, ambo Rhodienses Equites,  
& Antoninus Sanctæ Agathæ, Sanctisosti, & Mattafel-  
lonis Baro; quibus deinde subsequentibus annis ipsorum  
Posteri, & Majores Tui, dominati sunt, ac ad præsens,  
principatus titulis ornati, dominantur.

Quid igitur mirum, si quæ primæ sunt inter Regni  
familias, cum tua Matrimoniis conjunctæ non semel ap-  
paruerunt, & quidem utroque unionis nexu, & a tua  
recipientes Conjuges ornatissimas, & tuæ pariter dantes?  
Capyciorum, Pandorum, Saracenorum, Sirisalium,  
Denticum, Caraphæorum, Caracciolorum, Stegmata  
cum Tuо adeo lаtanter uniuntur, ut plurum harum  
non simplex, aut duplex, fuerit nuptiarum nexus, sed  
multiplex, quum Caraphæis præcipue triplici quidem  
nodo conjuncti sint. Patribus quoque tuis debentur op-  
pida alia quamplura, quorum dominium Familiæ ac-  
crevit, & tituli illustriores accessere; itaut Domi splen-  
dor Sedilium insuper Neapolitanorum tecta pervaaserit,  
& ille, qui Portus appellatur, Propinquos tuos in se re-  
cepisse gloriatur.

At si multa Princeps optimus, germanus tuus, præ-  
clare gessit in familiæ decorum, non pauca quoque  
fuerunt, quæ Tu fecisti, Princeps Eminentissime, in do-  
mi amplitudinem, in Patriæ gloriam, in Ecclesiæ deni-  
que majestatem. Si regimina intuemur ecclesiasticæ Di-  
tionis, quæ extra Urbem tractasti, laudibus Te justis  
prosequuntur Urbes & Provinciæ, quibus præfueristi plu-  
ribus